



Universitätsbibliothek Paderborn

**Francisci Toleti S. R. E. Cardinalis Svmma Casvvm
Conscientiæ, Sive De Instrvctione Sacerdotvm Lib. VII**

Toledo, Francisco de

Coloniæ Agrippinæ

12. De quarto præcepto. Quid sit Eucharistia.

urn:nbn:de:hbz:466:1-40916

clesia: & quod adhuc pessimum, in mortis articulo adeo magna hac angustia premuntur, ut aliquando desperent.

Vtima est, qui in gratia est, conseruat multum in ea per confessiones frequentes: homo enim est magis illuminatus, si se cognoscat, & ea, quae nō cent animæ, intelligat. Multa alia bona frequens confessio homini affert, sed ista enarrasse sufficiat. Hęc & alia experietur, qui consilium hoc opere compleuerit.

De quarto precepto, quid sit Eucharistia.

C A P V T XII.

Quartum præceptum Ecclesiæ, est præceptum communionis, puta sumptionis Eucharistiae. Est ergo breui et considerandum, quid sit Eucharistia. Viderur autem sic posse describi, species sensibiles panis, & vini, & corpus, & sanguinem Christi significantes, & realiter continentes. In qua descriptione sunt tres partes.

Prima est, species sensibiles panis & vini. Vocamus species, accidentia ipsa, quae erant panis, & vini, nempe quantitatem, odorem, saporem, colorem, quae omnia sensu percipiuntur.

Secunda pars est, corpus, & sanguinem Christi significantes: ista enim accidentia sunt signa quædam; corporis quidem Christi, ipsæ species panis; sanguinis autem, ipsæ species vini signa sunt.

Tertia pars est, realiter continentes. Non enim illæ species habent significare tantum corpus & sanguinem, sed verè continent ipsa: sub speciebus enim panis realiter Christi corpus est; sub speciebus vini, realiter sanguis Christi est. Totum ergo hoc, nimirum species prædictæ, corpus & sanguinem Christi continentes, & significantes, dicitur sacramentum Eucharistiae. *iv xix s/ia* autem, idem est Græce, quod Latinè gratiarum actio. Hoc autem sacramentum dicitur Eucharistia, quia est unum grande & insigne beneficium, propter quod Christo Domino perpetuas gratias agere debemus. Est autem notandum, quod in hoc sacramento, Catholicus debet secundum fidem has quatuor veritates recipere, quae habentur ex Concil. Trident. sessi 13.

Prima est, sub illis speciebus, non esse post consecratio-



nem panis aut vini substantiam, sed omnino conuersa est in Christi corpus & sanguinem, manentibus dumtaxat speciebus.

Secunda est, sub eisdem speciebus verè & realiter esse corpus & sanguinem Christi.

Tertia est, sub vtraq; specie, & sub altera tantum esse totum Christum: verbi gratia, sub speciebus panis esse totum Christum, nempe corpus & animam unitam diuinitati. Similiter totum Christum esse sub speciebus vini. Dices, si totus Christus est sub speciebus panis, & totus sub speciebus vini, quare dicitur communiter, quod species panis continet corpus, species vini continet sanguinem? Respondeo quodam exemplo. Cum tu vocas famulum tuum, aut amicum, hic autem venit coram te, clarum est, amicum esse coram te, & non solum ipsum, sed ipsius vestimenta, nam vestitus venit: si ergo per te a te, tu vocasti amicum, quomodo & hic sunt vestes? respondabis, ex vi verbi mei, quo vocavi, solus amicus adebat, & quippe vestitus erat, ratione coniunctionis vestimentorum, etiam sunt hic vestes. Eodem ergo modo intelligas, sub speciebus panis est tantum corpus Christi, ex virtute verborum coniunctionis, quae erat, *hoc est corpus meum*; at quia corpus etiam anima & diuinitate, sit, ut ratione concomitante totus sit Christus. Similiter sub speciebus vini ex vi verborum sanguis est dicitur enim, *hic est calix sanguinis*; tamen quia sanguis etiam corpore, & corpus cum anima, & haec diuinitati unita sunt, sunt & ista omnia sub illis speciebus. Quando ergo audis, sub speciebus panis esse corpus, sub vini, esse sanguinem, intellige, ex vi significationis, tamen ratione concomitantia, totus Christus est sub altera specie.

Quarta est, illa accidentia panis & vini per se sunt, nec subsistunt in corpore Christi, sicut sustentantur in pane. In his quatuor veritatibus, præcipue innititur ratio huius factimenti.

Quare instituta est Eucaristia.

C A P V T XIII.

SAcramentum hoc à Christo Domino in ultima cena institutum est, in hos quatuor præcipuos usus. Primus, ut esset memoriale quoddam mortis & passio-

nis